



小倉山房詩集卷六

已巳

錢唐袁叔才

寄程魚門

淮南有桂樹秋花含春姿生長斤鹵地馨香交始翮
翮一黃鳥歲寒長相思稻梁不自謀經營托所司相知
日以深相看日以希此樹不落葉此鳥無羣栖所以歲
寒時寸心兩不移

去年秋風發拾得雲中書書中三千字字字珊瑚珠珊
瑚七尺長朝夕生奇光旁人勸我售佳人勸我藏豈不

惜顏色恐爲物所傷感激佳人意涕泣沾衣裳

西江魏公子海上彈青琴可惜太通脫揮盡千黃金殘
臘渡空江賤子病扶床程生亦復至病者喜欲狂呼兒
羅酒饌大笑傾千觴我病君莫慮病欲隨官去將攬君
子衣告君罷官趣梅花今又開君子在何處

君看白雪飛知我此間好但恨巢與由此身不肯老今
年陰雨多江土秋來早旦喜得秋涼又恐傷芳艸芳艸
日以傷故人日以少臨風寄遠童落葉滿懷抱

四月四日龔愚溪移尊隨園得招字

柴門那得有人敲
隱者除非酒可招
山裏送春剛四夕
柳邊垂綠正千條
空堂棋罷微聞雨
遠樹鶯啼半入簫
君若再來休問日
今年無刻不逍遙

後五日談沈兩門生來置酒得種字

殘春孤花危新晴
遊人勇送酒遇劉
宏分題得江總眷
茲朱陽節登彼綠
雲籠蓮舟朝淺揭
雲豐夜深捧蝶行
小草搖日落羣霞
擁簾影只三人鳥
聲恰萬種呼僮撤
金燈月華如水湧

十九日梅坂招孟亭南臺再集得觀字

有酒我不飲無酒我不歡不如招酒人痛飲使我觀王
郎知此意清晨擔杯盤諸客從而後來泛杯湖船幽花
隨春開好香隨風傳有月便歸去無雨且盤桓問我飲
不飲存杯聽自然所以主人翁自號稱墮園

墮園雜興

官非與生俱長乃遊王路此味既已嘗可以返吾素看
花人欲歸何必待春暮白雲遊空天來去亦無故聞我
書聲息四面老農來壯者負犁鋤衰者穿麻鞋嬉者戴
簪累勞者擔薪柴邀我大樹下懷抱一齊開今年苦風

兩良苗猶未栽聞公讀書聲母乃舉茂才愛其性真誠
發言如嬰孩各贈一杯酒縱橫臥莓苔

赴淮作渡江吟四首

一聲篙入江萬象化爲水喜無塵埃侵但把明月洗彈
琴咏先王浩浩一千里前望去者船虛無不見底後望
來者船次第出烟裏茫茫來去者俱爲風所使僕也豈
其然吾行亦吾止窓寒秋正清燈定潮不起舟行吾不
憂舟泊吾更喜夕陽不見人歌入蘆花矣

日落黃天蕩懷古思英雄南宋韓蘄王於此觀軍容金

兵南下時旌旗耀白虹韓王八千人扼之於江中紅顏
擊金鼓白浪生刀鋒坐見楚師燄六軍爲沙蟲要以三
大事尤米語已窮二聖有精魂頃刻慈寧宮惜哉少周
防烟火燒飛蓬遂使隻輪返恢復無全功韓公從此悟
萬事慎所終所以岳家死公竟如神龍策蹇西湖濱醉
倒東南峯舉手天地動放手烟雲空朝爲大將材暮作
漁樵翁

昔年尹宮保奏我牧秦郵吏部議阻之動格相羈留我
今過此邦一望無田疇適逢黃水決赤子生魚頭使我

果牧此何以佐一等慨念今黃河勢合淮江流祇因資
轉漕約束爲疽痍人自奪水地水不與人仇河身日以
高河防日以周縱舒一朝患難免千年憂何不決使導
慨然棄數州損所治河費用爲徙民謀更置遞運倉改
小運糧舟水淺過船易敵淮事可休路寬趨海捷泛濫
病可瘳此語雖驚衆此理良或優安得陳明堂并告東
諸侯

江中看月作

江風送月海門東人到江心月正中萬里魚龍爭照影

一船雞犬欲騰空
帆如雲氣吹將滅
燈近銀河色不紅
如此宵征信奇絕
三更三點水精宮

受竹

竹性不耐襍志在干青雲
蒙茸依附者都非賢子孫
腰鑣爲芟除萬緣一齊立
明月穿林來清風有路入
始知爲政者姑息本非好
不見古干將殺人爲人寶

裘叔度宮詹禹陵過杭值余引疾歸里相見有

贈

六橋烟柳古杭州
聽唱皇華躍紫騮
望氣早知天使

至抽身剛伴故人遊八年風雨燈前夢一片銀河笛裏秋
今日狂奴狂賊未問公何事尚搖頭

中朝典禮重儒林許握牙璋作越吟太史茫茫窺禹穴
詩人步步入山陰雷門鐘鼓秋風急古殿龍蛇水氣深
倘過蘼蘿花色好大夫莫動五湖心

櫻桃街北掖門東帝里燈花幾度紅殘客有時腸九
轉新宮無譜曲三終高冠獄獄君全改滿面髭鬚我忽
同賭記蓬山多少事輕雲已過月明中

宮簷珍重髻如絲曾有封章海內知才爲萬事偏見少

官因遷早轉嫌遲

君以編脩遷官信五年矣

班荆江館逢新雁折柳

天涯愛舊枝八表停雲公莫忘江東士遜有心期

宿白土不寐

野店臥秋夜滿床如水生萬重心事集半點壁燈清欲
起慮驚眾無聊且數更一層窓紙白第五次雞鳴

道懷

唐時有李叟行善夫妻偕朝供千夫膳晷設八關齋精
修二十年果然天門開錢錢金甲神稱天問所懷念汝
良苦志償汝所由來貴可金張位富可倚順財憑汝擇

於斯天將爲安排畀乃再拜言均非臣所欲臣好在讀書臣志在行樂堂前羅牙簷屋後多小竹掃地靜焚香侍者顏如玉如此了一生雖死臣亦足金神搖手笑汝乃大癡矣此是神仙福上界重無比不比富貴擾擾勿勿耳十洲三島仙賜者能有幾汝再修三生來請玉皇旨

三月二十四日偕門生王梅坡舍弟香亭陸錫豫庭遊清涼山逢白下諸君子有修禊之事爲余置別席於南窓醉後大書僧壁

王郎王郎隨我走樓復一樓看花柳謂是空山少人跡
忽逢衣冠七八九念我江城舊長官殷勤呼倖來送酒
此酒竟同天上雨隨風吹來飛入口一杯初酌風乍吹
兩杯再酌風吹久我弟我甥衣裳單面稟膚僵時縮肘
我生不飲今畏寒亦復捧杯不放手南窓大開殊有意
天送長江作酒斗梧桐葉葉招風旛綠竹枝枝掃雲帚
萬家闐闐浮碧空晚來一片烟光銷嘆息人生曾合緣
一酬一酢都非偶護世城中美饌天靈山曾上前生友
我與諸公定有因敢說民貧與民母只隣不速醉昏昏

志怡主人姓某某口題憎壁志高情不管塗鴉字有說
出門更笑問酒人明年此日還來否

八
第
山
房
詩
集
卷
之
一

小倉山房詩集卷七

庚午辛未

錢唐袁枚子才

輓副憲趙學齋先生

日斜庚子歲匆匆星隕湖山半夜風
直道一生形顧影文章四海水潮東
烏臺人去黃封在紫府仙歸絳帳空
爭奈九原難瞑自庭萱百歲淚猶紅

手把山陽笛一枝素車入哭酒盈卮
還家已在聞哀後知己終思未遇時
老屋半間無宿草招魂滿壁有殘詩
滄桑細與郎君說涼雨黃昏鬢欲絲

枚送王卿華詩一絲云風懷似我能

憐我客路逢君又
別君公逢人誦之

題張憶娘簪花圖

并序

康熙初蘇州倡張憶娘色藝冠時好事者蔣繡
谷爲寫簪花圖一時名宿尤西堂汪退谷惠紅
豆諸公題緘襜裙褶幾滿片何圖被盜迹之在
揚州巨賈家繡谷子盤倚以他畫贖還余至蘇
州事隔五十餘年閱卷如生惜無留墨處矣爲
五絕署之紙尾

百首詩題張憶娘古人比我更清狂青衫紅袖都零落